



Stem schick dich also. Sit dem zu fechten In den vnderen anpind sech deinnen rechten fuoß für dein rechte hand gestruckt vornen bey dem ort In des wind dich auf dein rechte hand auf die hufft vnd stose In zu seinem gesicht stost er dir also nach deinner angesicht vnd du auch gogen In In dem anpind stast deinner rechten fuoß für gesetzt so setz In das ab mit deinem vordern Orth vnd thu sam wollest du In zu seinem rechten schenckel stossen In des tritt mit deinem lincken fuoß hin nach vnd wind In deinen hindern orth zu seinem gesicht oder der prüft windt er dir also zu deinem gesicht so tritt mit deinem rechten fuoß zu rüch vnd setz In das ab mit deinem hindern orth In des tritt mit deinem rechten fuoß wider hinnein vnd stos In mit deinem vordern orth zu seinem gesicht verseyt er dir das so wech sel In durch mit deinem orth vnd volg mit deinem lincken schenckel hin nach stos In damit auf sein rechte seitten stost er dir also zu so setz In das ab In dem volg mit deinem rechten schenckel hin nach vnd wind In mit deinner beiden ortern In fach zu seinem gesicht seyt er dir das ab so zeuch deinen rechten fuoß zu rüch vnd schlag In nach seinem haupt wend dich damit zu rüch In gute

Versatzung